

19. november 2003

UKA 2003/11

**Kalaallit Nunaanni Namminersornerullutik Oqartussani kommuninilu  
tjenestemandit pillugit Inatsisartut inatsisissaattut siunnersuut**

**pillugu**

**Inatsisartut Inatsisit Atortinneqarnerannut Ataatsimiititaliaata**

**ISUMALIUTISSIISUTAA**

**siunnersuutip aappassaaneerreqarnerani saqqummiunneqartoq**

Inatsisartut Inatsisit Atortinneqarnerannut Ataatsimiititaliaat suliarinninnermini ukuninnga inuttaqarpoq:

Inatsisartuni ilaasortaq Ane Hansen, Inuit Ataqtigiit, siulittaasoq  
Inatsisartuni ilaasortaq Isak Davidsen, Siumut, siulittaasup tullia  
Inatsisartuni ilaasortaq Enos Lyberth, Siumut  
Inatsisartuni ilaasortaq Otto Jeremiassen, Atassut  
Inatsisartuni ilaasortaq Marie Fleischer, Demokraatit

Kalaallit Nunaanni Namminersornerullutik Oqartussani kommuninilu tjenestemandit pillugit inatsisissatut siunnersuummik nutaamik upernaakkut ataatsimiinnermili (UPA 2003/11) Inatsisartut oqaluuserinnipput. Siunnersuulli pingajussaaneerreqannginnerani tunuartinneqarpoq, paasineqarmat Inatsisartut Ombudsmandiannut tunngatillugu inatsisissamat nassuiaatini immikkoortoq ataaseq tunngaviummik isigalugu ajornartorsiutitaqartoq.

Siunnersuummi maannakkut oqallisigineqartumi inatsimmut nassuiaatit Ombudsmandimut tunngatillugu ajornartorsiutinik pilersitsisussaajunnaarlugit allangortinneqarsimapput. Inatsisartut inatsisissaanissaq iliuserisinnaasanut aalajangersakkat allanguutissatut siunnersuummut Inatsisit Atortinneqarnerannut

ataatsimiititaliap siusinnerusukkut saqqummiusnaanut naapertuuttunngorlugit iluarsineqarsimapput.

Taamaammat Inatsisit Atortinneqarnerannut Ataatsimiititaliap siunnersuut tamaat tjenestemandinut inatsit naapertorlugu ilusiligaanermigut inatsimmullu nassuiaatitigut pisinnaatitaaffiit pisussaaffillu pillugit siunissami ajornaannerusumik paasineqarsinnaanngorlugu ilusiliivigineqarsimasoq tapersersinnaavaa.

Taamaalilluni Inatsisit Atortinneqarnerannut Ataatsimiititaliap isumaqatigiittup siunnersuut aku-ersissutigineqassasoq inassutigaa.

Ataatsimiititalialli UPA 2003/11-mut tunngatillugu isumaliutissiissutaani oqaatigineqartutut tje-nestemandeqarnerup atuutiinnarnissaata pissusissamisooruunera kommunit arlallit apeqquseraat ataatsimiititaliap maluginiarpaa. Tjenestemandit pillugit inatsisip atuuttup atorneqarnera pisariusuusimavoq allaffissornikkullu nammatassanik annertuunik nassataqarsimalluni. Taamaammat tamatumunnga tunngatillugu KANUKOKA-mik piaartumik oqaloqateqarumalluni neriorsuutini Naalakkersuisut siulittaasuata uppersarmagu ataatsimiititaliap nuannaarutigaa.

Tassunga ilanngullugu maleruagassat, suliffeqarnermi allatigut aalajangersakkat, nunatsinni pissutsinut pisariillisarneqarsinnaaneri naleqqussarneqarsinnaanerilu pillugit periarfissat qulaajaavigeqqullugit Naalakkersuisunut ataatsimiititaliap kaammattuutigissavaa. Suliffeqarnerup atuulluurtumik pisariunngitsumillu aalajangersaavigineqarnissaa siunertaralugu nutarterinermik sulinerup aallartinneqarnissaa ataatsimiititaliap paasinninnera malillugu Kalaallit Nunaannut iluaqutaassaaq, namminersulernissamillu anguniagaqarnermut naapertuutissalluni.

**Taama oqaaseqarluni Inatsisit Atortinneqarnerannut Ataatsimiititaliap siunnersuut aappassaaniiganngortippaa.**

Ane Hansen  
Inuit Ataqtigiit,  
siulittaasoq

Isak Davidsen  
Siumut

Enos Lyberth  
Siumut

Otto Jeremiassen  
Atassut

Marie Fleischer  
Demokraatit